



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Elogia Patriarcharum, Et Christi Jesu Dei Hominis.
Emanuelis Thesavri Patritii Taurinens. Et Aloysii Jvglaris è
Societate Jesu**

Giuglaris, Luigi

Francofvrti, 1684

Cæco nato novam aperit diem. 34

urn:nbn:de:hbz:466:1-38349

Quod jam possint Medicum fugere,
 Mundo magis odibiles cum ingrati,
 Quam antea cum leprosi,
 Unicum Alienigenam
 Populare Judæorum malum non inficit.
 Novem abeuntibus in perniciem,
 Redit decimus in salutem,
 Auctoris adoratione
 Probat quam magni fecerit donum,
 Et rogatus de sociis
 Ingens illis creat sua taciturnitate convicium.
 Et miraris, mi Jesu, mores hos tanquam novos
 Mirari magis debueras si redirent.
 Ingratitudo inter homines nihil habet jam novum;
 Gratitudo, si quæ sit,
 Ea jure monstri locum obtineat.

*Leprosi maxima
 odiosi, utpote qui
 arcerentur à templo,
 & ab urbibus.*

*Non est inventus
 qui rediret, nisi hic
 alienigena: erat
 enim Samaritanus.*

*Admiratio Christi:
 nonne decem mandati
 sunt, & novem ubi
 sunt?*

*Admiratio enim
 non est de iis, quæ ut
 plurimum accidunt,
 sed de iis, quæ raro.*

ELOGIUM XXXIV.
COECO NATO NOVAM APERIT
DIEM.

Ioan. cap. 9.

Quidni miseris sæpe Christus occurrat,
 Si Christus miseros semper quærit?
 Nescit illos præterire præteriens;
 Seu videatur, seu videat,
 Orami se ipsum prodigit via.
 Ne homo jam floccipendat hominem,
 Impendit Deus mendico,
 Vel in die quietis suæ publicam servitutum,
 Dum creante verius, quam medicante manu
 Inde supplevit homini lumina,
 Unde hominem fecerat totum.
 Operanti salutem nostram,
 Stat pro Sabbato omnis nobis utilis dies;
 Quisquis calamitosus labor impenditur,
 Summa illi cessatio est.
 Licet videri non appetat,
 Adhuc pati cœcitatem non potest,
 Quæ in tanta copia lucis nimis accidat importuna.

*Præteriens vidit
 hominem cœcum à
 nativitate, &c.*

*Chrysol. serm. 176.
 pene ad verbum.
 Hoc est in Sabbato.*

*Idem Chrysol. ubi
 supra.
 Homo enim ex luto.
 Erat autem Sabba-
 tum, quo quiescit
 Deus ab opere suo.*

*Frequenter enim
 abscondit se ab ho-
 minum oculis fugiens
 plausum, &c.*

*Prius enim unctus
cæcus, mox iussus
adire natatoriam
Siloes antequam
curatus.*

*Alludit ad primam
hominis creationem
& ad lutum, quod
hac occasione ex-
puens fecit.
Chrysolog. ibidem,
ad verbum.*

*Et tamen si cæcus
cæco ducatum pra-
stet, ambo in foveam
cadunt.
Cur ita sollicitè stu-
derint Pharisei hoc
miraculum tegere.*

*Audivit Iesus, quia
ejeserunt eum foras,
& cum invenisset
eum, dixit ei, &c.
Credis in Filium Dei.
Et vidisti eum, &
qui loquitur tecum
ipse est. Et proci-
dens adoravit eum.
Nutrit enim hæc
cogitatio humilita-
tem, quæ ad Dei lu-
men preparatio est.*

Obsistit salutari collyrio contumax malum ;
Ubi cætera solis pulsa sunt nutibus,
Hoc post linimentum, etiam lotionem expectat
Nimirum difficile, coætèrni non sunt,
Quæ fuerint unicuique coæva,
Atqui si suum Deus lutum retractet,
Plus potest tandem corrigere,
Quam natura delinquere.
Sancti rois gutta baptizat oculos peccatores ;
Aperit venia, quos culpa non clauserat ;
Accenduntur ab aquis lumina, quibus solent
extingui ;
Emitur obsequio gratuitum beneficium ;
Licet cæca obedientia fuerit,
Certo itinere cæcum deduxit ad lucem.
Eidem vix invenit miraculi magnitudo ;
Dubitat Sophista pessimus Livor,
An fieri potuerit, quod factum videt,
Tristatur nequitia crescere
Oculatos turpitudinis suæ testes ;
Quem mendacem non potest facere,
A Synagoga facit extorrem.
Novum à Deo beneficium
Nova hominum injuria provocat,
Mentem sine luce non deserit,
Qui amovit à corpore cæcitatem.
Detegit illi etiam Solem suum,
Cujus se ferendis imparem radiis profitens,
Coram illo victus prosternitur,
Qui sedes mendicus in tenebris,
Quo itinere venias ad lucem, attende.
Nihil æque illuminat hominem,
Ac si assidue ferat in oculis lutum suum.

ELOGIUM XXXV.
SURDOS FACIT AUDIRE, ET
MUTOS LOQUI.

Maro. c. 7. & 9.

Agnosco versipellis ingenium Aspidis.
A voce incantantis sapientiæ aures obturas
Verbo

*Ingenium Demonis
sicut Aspidis surdas
obturantis aures suas
à voce incantantis
sapientiæ.*